



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Arnoldi Corvini à Belderent J. U. D. Jus Canonicum, Per
Aphorismos Strictim Explicatum**

Corvinus van Beldern, Arnold

Amstelodami, 1663

Quibus modis beneficia vacent.

urn:nbn:de:hbz:466:1-10591

Si duo eodem die præbendam impetrarunt, unus ab Ordinario, alter à Legato aut Pontifice, nec appareat, uter impetraverit, possidens præfertur: si nullus possidet, actio competit ei, qui à Legato aut Pontifice impetravit. c. si à Sede. 31. eod. in 6.

Diverso tempore, si duo de præbenda vacante vel vacatura mandatum impetrarunt, prior impetrans posteriori præfertur. c. eum. 7. c. quia sæpe. 15. eod. in 6. Nisi contraria mandantis voluntas probetur; d. c. quia sæpe. c. auctoritate. 7. de concess. præbend. in 6. Nisi vacante dignitate, cui præbenda annexa, prior præbendam tantum, posterior dignitatem cum præbenda impetraverit; d. c. quia sæpe. 15. Nisi prius mandatum fuerit generale, posterius de certa persona speciale; c. dudum. 14. de præbend. in 6. Nisi cum diversis conditionibus impetrassen, posterioris conditio prior extiterit. c. suscep. 6. §. fin. de rescript. in 6.

Proceditur in causis quorumcunque beneficiorum simpliciter, & de plano, sine strepitu, & figura judicii. Clem. dispendiosam. 2. de judic.

Quibus modis beneficia vacent.

T I T. XXX.

Diximus superiori titulo, conferri tantum posse beneficium vacans: videndum nunc, quæ beneficia vacare dicantur.

Vacare dicuntur ea, quæ à nullo possidentur; vel possidentur quidem, sed non jure.

Hoc trifariam potest contingere: Vel *de jure* & *de facto*: vel *de jure* tantum, non *de facto*; vel *de facto*, non *de jure*.

De jure & *de facto*; Beneficiati morte: c. 2. verf. ne desiderare. de concess. præbend. c. 3. & 4. de postul. prælat. aut renunciatione, c. in presentia. 6. de renunc. sive simplici, & ve permutationis causâ factâ; c. susceptum. 6. de rescript. in 6:

in 6. c. un. de rer. permut. in 6. aut degradatione, c. novi-
mus. 27. de verbor. signific. c. 2. de pœn. in 6. c. gravem. 15.
de excess. præl. aut translatione, c. 2. in fin. & c. 4. in fin.
de postul. prælat. absque Pontificis auctoritate facta. c.
quanto. 3. de translat. Episcop. & tunc liberè con-
ferri potest. c. 2. vers. cum vero. cum sim. de conc.
præb.

De jure tantum, non de facto: Electione ad Episcopatum, & confirmatione ejus, qui beneficium habebat; c. cum incunctis. 7. de election. c. cum nostris. 6. & c. literas. 9. de concess. præbend. Acquisitione beneficii curam vel dignitatem annexam habentis. c. re multa. 28. ubi Abb. 3. no. de præb. Extr. execrabilis. eod. Negligentia intra annum sacerdotales ordines accipiendi, ab eo, cui parochialis Ecclesia collata; c. commissa. 35. & c. licet. canon. 14. de elect. in 6. & tum recte vacans beneficium in personam idoneam conferetur. c. cum nostris. 6. & c. literas. 9. de concess. præbend. & dd. cc. Intitulati delicto; ut Simoniae manifestæ, c. insinuatum. 13. de simon. hæresis, c. ad abolendam. 9. de hæretic. assassinatus, c. 1. de homicid. in 6. intrusionis beneficii. c. eum qui. 18. de præbend. in 6. &c.

Defacto, non jure: Spoliatione; sed tum beneficium spoliato debet restituï, non in alium conferri. c. 2. & c. 4. cum sim. de his qua vi met. caus. fiunt.

Ita quidem generaliter: Jure tamen singulari aliquando recepta beneficiorum, antequam vacent, concessio: Sic summus Pontifex, ut olim literas expectativas, c. eam te. 7. c. constitutus. 19. c. literis. 39. cum simil. de rescript. ita nunc (ut tit. præced. diximus) recte mandata, de provi- dendo ad beneficia vacatura, dat. c. mandatum. 38. cum 2. seqq. eod.

Quæ tamen, ut odiosa, strictè explicantur. c. fin. c. cum in illis. 16. c. cum de beneficio. 5. c. cui de non. 27. de præ- bend. in 6. Clem. I. eod.